

入啓此亦失也且啓前事答曰憲府失體適之可也餘不允○平安道
价川郡雷電○甲寅漢城府啓有虎入墨寺洞傳曰其令兵曹發軍以
捕且恐夜有人肆行而被害其禁人夜行○諫院啓前事不允○傳曰禮
曹判書尹穀輔雖為六卿人物合於大司憲其特除之於是以張順孫
為禮曹判書尹殷輔為司憲府大司憲金麟孫為執義黃孝獻為掌令
尹思翼張李文為持平○乙卯諫院啓前事不允○夜南方有氣如火
○辛亥憲府啓曰前日李從壽被駁不參試官事試官令啓達而政院
不啓政院之失人皆知之諫院既知政院之失則自當論啓若以憲府
不即推政院為非則亦當即論而遲留不啓至於朝廷皆知憲府之失
又憲府避嫌然後論啓殊失臺諫之體請適之前日 命推試官而見
其緘答之辭又聞之試官之請啓達而不私議于政院明矣且聞政院
將欲啓達至請承傳色而終不啓之色承旨任樞請罷之且任樞緘答
以為與院中僉議大抵政院之事色承旨不敢獨擅必僉議為之今者
不小國試參試官不可闕而不啓政院皆失矣他承旨亦皆罷之此事
當畢推試官然後啓之而政院不啓之失播於物論已久不可安然在
默故先啓之持平張李文前為兵曹正郎時以韓倫代加不詳察下批